

Ársskýrsla leikskólans í
Stykkishólmi

Virðing – gleði - kærleikur

2016 - 2017

Sigrún Þórsteinsdóttir

Efnisyfirlit:

Leikskólinn í Stykkishólmi	2
Starfstími skólans	2
Starfmannahald	2
Starfsmenn - stöðugildi	2
Nemendafjöldi	2
Skipulag leikskólans:	2
Stoðþjónusta - stuðningsúrræði	3
Sérkennsla	3
Uppeldi og menntun:	3
Aðalnámsskrá leikskóla:	3
Skipulagsdagar:	3
Skóladagatal:	4
Foreldra samstarf:	4
Annað samstarf:	4
Skólafestir Stykkishólms:	4
Viðbragðsáætlun:	4
Hátíðir og hefðir:	4
Afmæli leikskólans:	5

Leikskólinn í Stykkishólmi

Starfstími skólans

Skólastarf hófst mánudaginn 8. júlí 2016.

Sumarfrí leikskólans byrjar 10. júlí 2017

Skóladagatöl árána 2016-2017 og 2017-2018 eru í fylgiskjöllum sem og inntökureglur og foreldrahandbók.

Starfmannahald

Stjórnendur

Við skólann starfa leikskólastjóri, aðstoðarleikskólastjóri sem jafnframt hefur verið deildarstjóri og tveir deildarstjórar.

Heildarfjöldi starfsmanna sem starfa við skólann er 27 í 20 stöðugildum. Þar af eru 5 leikskólakennarar í 4,58% stöðu. Tveir starfsmenn eru í leikskólakennaranámi, tveir eru með grunnskólakennaramenntun og einn með BA í sálfræði. Aðrir starfsmenn eru með ýmisskonar menntun og reynslu af leikskólastarfi.

Starfsmenn - stöðugildi

Leikskólinn í Stykkishólmi

Stjórnun: 1,30

Kennarar: 23 í uþb 15 stöðugildum

Sérkennsla/stuðningur við deild: 1,30

Starfsmaður með örorku vinnusamning: 0,50

Nemendafjöldi

Skólaárið 2016 - 2017 var nemendafjöldi eftirfarandi:

17 börn fædd 2011

10 börn fædd 2012

15 börn fædd 2013

14 börn fædd 2014

18 börn fædd 2015

Samtals 74 börn í 544 dvalarstundum.

Skipulag leikskólans:

Opnunartímar:

Leikskólinn í Stykkishólmi er opinn frá kl 7:45 – 16:30 á dag í 47 vikur á ári. Yfir skólaárið eru teknir 4 skipulags dagar, að öllu jöfnu tveir fyrir áramót og tveir eftir áramót. Einnig er lokað frá hádegi tvisvar sinnum vegna starfsmannafunda.

Leikskólinn í Stykkishólmi er fyrir börn frá 1. árs aldri til 6 ára. (sjá nánar í inntökureglum fylgiskjal 3)

Stoðþjónusta - stuðningsúrræði

Sérkennsla

Hvert barn fær kennslu og uppeldi við hæfi, ef og þegar þörf er á fá nemendur leikskólans sérkennslu ýmist í litlum hópum eða eitt og sér. Þetta getur átt við tvítyngd börn, börn með tilfinningaleg vandamál eða einhverjar raskanir í þroska, hvort sem farið hefur fram greining á barninu eða ekki. - Leikskólinn í Stykkishólmi er skóli án aðgreiningar – Teymisfundir eru á sex – átta vikna fresti fyrir fatlaða nemendur en þeir eru haldnir í samstarfi við Félags- og skólaþjónustu Snæfellinga. Ráðgjafa Þroskaþjálfari kemur á teymisfundina ásamt foreldrum viðkomandi barns.

Félags- og skólaþjónusta Snæfellinga (FSSF) annast sérfræðiþjónustu við Leikskólann í Stykkishólmi. Forstöðumaður er **Sveinn Þór Elínbergsson**.

Félags- og skólaþjónustan er með vef þar sem hægt er að nálgast frekari upplýsingar um starfsemina. Slóðin á vefinn er: <http://www.fssf.is/>

Þeir sérfræðingar sem koma að leikskólanum í Stykkishólmi eru sálfræðingur og talmeinafræðingur. Heimsóknir talmeinafræðings eru þrjár fyrir áramót og þrjár eftir áramót. Sálfræðingur kemur upp einu sinni í mánuði.

Foreldrum er gefinn kostur á að panta tíma hjá viðkomandi sérfræðingum.

Uppeldi og menntun:

Aðalnámsskrá leikskóla:

Aðalnámsskrá leikskóla er grundvöllur leikskólastarfs og sá leiðarvísir sem við byggjum á okkar uppeldis- og mennta starf.

Hver leikskóli á samkvæmt lögum að gera sér sína skólanámsskrá, okkar námsskrá er í vinnslu og klárast vonandi í sumar.

Leikskólinn í Stykkishólmi leggur áherslu á skapandi starf í sinni víðustu mynd. Við lítum svo á að hvert barn sé skapandi og virkt og það er okkar hlutverk að styðja hvert barn til þroska. Leikskólinn í Stykkishólmi leggur áherslu á sérstöðu hvers barns og að gefa hverju barni tækifæri á að hafa áhrif á sína leikskólagöngu. Það er m.a. gert með skráningum í leikskólastarfi og einstaklingsnámsskrám. Í leikskólastarfi er lögð áhersla á fjölbreytt viðfangsefni innan og utan dyra.

Í leikskólanum fá öll börn mat miðað við þeirra vistunartíma en boðið er upp á morgunmat, hádegismat og síðdegishressingu ásamt ávaxta/grænmetisstundum.

Skipulagsdagar: Leikskólinn í Stykkishólmi á að öllu jöfnu fjóra skipulagsdaga og tvo hálfda daga. Á skipulagsdögum er m.a. farið í endurmenntun starfsfólks, unnið í skólanámsskrá, undirbúin foreldraviðtöl ofl.

Skóladagatal:

Á hverju vori er gefið út skóladagatal sem er unnið í samvinnu við tón-og grunnskóla Stykkishólms.

Foreldra samstarf:

Mikil áhersla er lögð á daglegt samstarf og samvinnu við foreldra/forráðamenn. Einnig eru samskipti í formi tölvupósta, fréttu á heimasíðu, foreldrafunda og foreldra viðtala sem eru föst tvisvar á ári.

Við leikskólann starfa bæði foreldrafélag og foreldraráð. Foreldraráð skal starfa samkvæmt lögum um leikskóla og í því eru þrír fulltrúar foreldra og leikskólastjóri. Foreldraráð er til ráðgjafar um skólanámsskrá, skóladagatal og fleira sem kemur að faglegu starfi leikskólans. Foreldrafélag sér um jólaföndur og skemmtanir fyrir börnin ásamt því að vera vettvangur fyrir foreldra til að hittast og skiptast á skoðunum um leikskólamála.

Annað samstarf:

Leikskólinn í Stykkishólmi á í góðu samstarfi við grunnskólann og tónlistarskólann í Stykkishólmi. Við fáum heimsókn litlu lúðrasveitarinnar um það bil tvisvar á ári og eins koma stakir hljóðfæra leikarar til okkar. Einnig er farið í heimsókn með elstu börn leikskólans í tónlistarskólann og þeim kynnt hljóðfæri og fleira sem tengist tónlistarnámi.

Grunnskólinn og leikskólinn skiptast m.a. á nemum þar sem börn úr 1. bekk koma til okkar og við sendum börn úr elsta hóp í grunnskólann. Eins fá leikskólabörnin góða kynningu á grunnskólastarfi með heimsókn væntanlegs grunnskólakennar í leikskólann.

Samstarfinu líkur svo með þriggja daga vorskóla í maí á hverju ári.

Í leikskólann fáum við leiksýningar af og til, oft í samstarfi við foreldrafélagið.

Skólastefna Stykkishólms:

Í skólastefnu Stykkishólms var m.a. ákveðin forgangsröðun varðandi verkefni sem valin voru og í forgang var sett að skólarnir gerðu sér ákveðna læsisstefnu. Unnið hefur verið að henni í vetur í samstarfi við grunn-og tónlistarskóla.

Viðbragðsáætlun:

Gerð var viðbragðsáætlun við áföllum og slysum í leikskólanum, áætlunin er aðgengileg á heimasíðu leikskólans.

Hátíðir og hefðir:

Þjóðhátíð: Í vetur var haldið upp á þjóðhátíðardag Póllands í samvinnu við foreldrarfélagið og foreldraráð. Við fengum foreldra til að koma og elda með okkur, baka ofl síðan var foreldrum og systkinum barna af Pólskum uppruna boðið að koma í kaffi og söngstund. Ákaflega vel heppnaður dagur sem verður endurtekinn að ári. Eins höldum við sumarhátíð

um miðjan júní í tilefni þjóðhátíðardags Íslands. Ætlunin er að halda upp á aðra þjóðhátíðardaga ef þeir tengjast nemendum hér í leikskólanum.

Kirkjuferð, litlu jól, þorrinn: Við fórum í kirkjuferð með grunn-og tónlistarskóla, héldum Litlu jólin okkar með hefðbundnum helgileik, þorrinn var blótaður í febrúar.

Öskudagur:Fyrir öskudaginn búa nemendur leikskólans sér til búninga sem taka mjög langan tíma í undirbúningi, allt frá hugmyndavinnu til framkvæmdar.

Útskriftarferð:Ferð elstu barna á Gráukúlu: Elstu nemendur leikskólans fara ásamt kennurum sínum og foreldrum í gönguferð á Gráukúlu. Þessi ferð er mjög vinsæl og hefur tekist mjög vel. Það er farið að morgni og komið heim eftir hádegi.

Afmæli leikskólans:

Leikskólinn í Stykkishólmi á 60 ára afmæli á þessu ári. Haldið verður upp á afmælið með veglegum hætti á afmælisdaginn. Kosin var undirbúningsnefnd sem er að störfum. Sótt var um styrk til Uppbyggingarsjóðs Vesturlands til þessa verkefnis og var okkur úthlutað 400.000 krónum.

Annað: Mjög öflugt starf hefur verið í leikskólanum í vetur. Við erum búin að vera með tveimur til fjórum börnum of mikið af hverri deild í allan vetur. Mikil þörf er að stækka húsnæði leikskólans til þess að mæta auknum fjölda barna á biðlista og stækkun árganga yngstu barnanna. Nokkuð hefur verið um langvarandi veikindi hjá starfsfólki skólans sem setur óneitanlega strik í reikninginn.